

Informacije šulerjam a staršim za přizjewjenje na gymnazij po zakónčenju 10.lětnika

Kotre wuměňjenja dyrbjú spjelnić?

Za přiwzaće na gymnazij dyrbiš znamkowy přerězk wot 2,5 a lěpje w předmjetach serbsčina abo němčina, jendželšćina a matematika docpěć. Dale dyrbi twój přerězk we wšitkich dalšich předmjetach lěpje hač 2,5 być.

Informaciju wo doskónčnym přijimowanju dóstanješ po wuspěšnym wotzamknjenju realnošulskeho zakónčenja.

Hdy a kak so na Serbskim gymnaziju přizjewju?

Wot **03.03. do 07.03.2025** móžeće Waše dźěćo na Serbskim gymnaziju přizjewić.

Za přizjewjenje trjebamy scěhowace podaća:

- Wopyta dźěćo předmjet nabožinu abo etiku?
- Póndže šuler do maćernorěčneje serbskeje rjadownje abo do rjadownje 2plus?
- Kotru druhu cuzu rěč wuknje Waše dźěćo? (za šulerjow wot 6.lětnika)

Za přizjewjenje trjebamy scěhowace podložki:

1. Próstwa na přiwzaće na gymnazij (bjezformna).
2. Tabelariski žiwjenjoběh.
3. Kopija połlětneho wuswědčjenja 10.lětnika.
4. Wopismo poroda w originalu abo druhi wotpowědny dopokaz identity.
5. Formular za „přiwzaće na gymnazij”.
(poda přez nas)
6. Zdžělenje wo wosebitym pedagogiskim spěchowanju (jeli trjeba).
7. Zdžělenje wo staršikim prawje (Sorgerecht/ jeli trjeba).

W poslednim šulskim tydženju před lětnymi prózdninami, dnja 24.06.2025, přewjedźemy w času wot 7:40 hodź. do 13:00 hodź. za was informaciske zarjadowanje pola nas w šuli. Tu so wam trěbne wučbnicy za nowe šulske lěto přepodaja a wšě wažne informacije k zhotowjenju fachoweho dźěła sposrědkuja. Tute maće potom w 10.lětniku pisać.

Wjeselimy so na Tebje!